

SAKSPAPIR

Saksnr	Utval	Type	Dato
016/20	Heradsstyret	PS	22.04.2020

Saksbehandlar	ArkivsakID
Bente Skjerping	20/957

Delegering av mynde frå heradsstyret i samband med koronakrisa

Vedlegg:

REGLEMENT FOR DELEGERING AV MYNDE PÅ POLITISK NIVÅHvedtak

Rådmannen sitt framlegg til vedtak:

Heradsstyret - 016/20

HS - behandling:

Elin Hege B. Lona, SV, kom til møtet til denne saka - 27 medlemmer/varamedlemmer til stades.

Ordføraren gjorde slikt framlegg: "Heradsstyret delegerer ikkje ytterlegare mynde enn det som ligg i gjeldande reglement."

AVRØYSTING

Ordføraren sitt framlegg - samrøystes vedteke

HS - vedtak:

"Heradsstyret delegerer ikkje ytterlegare mynde enn det som ligg i gjeldande reglement."

Saksopplysningar:

Saksopplysningar:

Bakgrunn

Heradsstyret er det øvste politiske organet i kommunen og har vedtaksmynde i alle saker om ikkje anna er fastsett i lov.

Heradsstyret kan delegera mynde til å gjera vedtak til andre folkevalde organ, ordføraren eller rådmannen om ikkje anna er fastsett i lov, k.l. § 5-3. Delegering til ordførar og rådmann er avgrensa til saker som ikkje er av prinsippiell betydning.

Heradsstyret har tidlegare vedteke eit eige reglement for delegering på politisk nivå, sjå vedlegg.

Etter dette reglementet har formannskapet mynde til å ta avgjerd på kommunen sine vegner i alle saker som ikkje heradsstyret har teke unna rett til sjølv å avgjera, eller som er delegert til andre. Formannskapet kan delegera til ordføraren eller rådmannen å ta avgjerd i saker som ikkje har prinsipiell betydning, k.l. § 13-1.

Heradsstyret har tidlegare gjort vedtak om delegering til kriseleiinga (KKL):

«Kriseleiinga har, om situasjonen krev det alle fullmakter til å ta avgjerd på kommunen (heradsstyret) sine vegne så langt det ikkje er i strid med lover, forskrifter eller særskilde politiske vedtak.

Kriseleiinga disponerer fritt over kommunen sine samla personal- og materielle ressursar. Dersom det er fare for liv eller helse, skal økonomiske omsyn ikkje hindra rask og effektiv innsats. Økonomiske konsekvensar ut over vedteke budsjett vert å leggja fram for politiske organ i ettertid for inndekning.

Kriseleiinga tek sine avgjerder med vanleg fleirtal og elles etter vanlege røystereglar. Det gjeld likevel ingen reglar for tal frammøtte for at avgjerder kan takast.»

I samband med handtering av koronaepidemien og iverksetjing av tiltak for å hindra smittespreiing, er det særleg vedtak med heimel i helselovverket og smittevernlova som vert gjort. Rådmannen har fått delegert mynde til å gjera vedtak etter § 4-1 i smittevernlova. I hastesaker har kommuneoverlegen dette myndet.

Formannskapet har også mynde til å gjera vedtak etter «hasteparagrafen», jfr. komm.l. § 11-8, dersom vedtak må gjerast så raskt at det ikkje er tid til å kalla inn heradsstyret. I same paragraf er det og gitt høve til skriftleg sakshandsaming i staden for møte.

Heradsstyret må sjølv vedta å delegera sin vedtakskompetanse innanfor dei rammer lova set. Delegereringsadgangen er vid, men kommunelova set likevel grenser for kva som kan delegerast.

KS si tilråding er å heller nytta fjernmøte/nettemøte slik at heradsstyret kan ivareta si rolle i kommunen inntil det vert opna for å halda ordinære møte, sjå meir om dette her <https://www.ks.no/informasjon-om-koronaviruset/lokaldemokrati-og-styring/fjernmote-eller-delegering-av-myndighet/>.

Heradsstyret må vurderer om det er trong for ytterlegare vedtak om delegering av mynde til formannskapet i tilknyting til koronasituasjonen.

Vurdering

Rådmannen ser ikkje behov for ytterlegare delegering av mynde til rådmannen. Heradsstyret må vurderer om det er behov for meir delegering til formannskap eller ordførar.

Folkehelse
Miljø
Økonomi

Konklusjon

Saka vert lagt fram for heradsstyret til handsaming og avgjerd.

